

HAR BIR TUGMA ALOHIDA KO'RSATILGAN

Gemini va Gemini Notebook

interfeys qo'llanmasi · eski nomi NotebookLM

Bu qo'llanma **ekrandagi har bir tugmani** ko'rsatadi. Kompyuterni endi o'rganayotgan odam ham tushunadi: qayerni bosish kerak, nima chiqadi va keyin nima qilish kerak.



1-qism · Gemini

- Bosh oyna — 13 ta belgi
- Yozish maydoni va « + » tugmasi
- Flash va Pro modellari
- Sozlamalar, rasm, video
- Birinchi savolni yozish



2-qism · Notebook

- Saytga kirish va bosh sahifa
- Uchta panel — 12 ta belgi
- Manbalar: nimani yuklash mumkin
- Studiyaning 9 ta kartasi
- Javob tilini o'zbekchaga qo'yish

Qo'llanmani qanday o'qish kerak

- Ekran rasmlari **haqiqiy dastur** asosida chizilgan — o'zingiznikiga o'xshaydi.
- Raqamning izohi **rasm ostida** yozilgan.
- Tugmalarning **ruscha nomi** qavs ichida berilgan.
- Rangli doiradagi raqamdan **strelka** chiqadi — u aniq tugmani ko'rsatadi.
- Kompyuter oldida o'tirib, o'qib-bosib boring.
- Binafsha rang — Gemini, yashil — Notebook.

— ENG AVVALO

Ikkita dastur — nima farqi bor

Ikkalasi ham Google'niki va **bitta akkaunt** bilan ishlaydi. Lekin vazifasi butunlay boshqacha. Buni boshidan tushunib olsangiz, keyin adashmaysiz.

**Gemini**
gemini.google.com

Nimani biladi: butun internetni.

Nima qiladi: matn yozadi, tarjima qiladi, rasm chizadi, faylni tahlil qiladi, g'oya beradi.

Savolingiz: «Menga nima yozib ber?»

**Gemini Notebook**
notebooklm.google

Nimani biladi: faqat siz yuklagan fayllarni.

Nima qiladi: hujjatni o'qib tushuntiradi; konspekt, podkast, test va xarita yasaydi.

Savolingiz: «Mening faylimda nima yozilgan?»

Vazifa	Gemini	Notebook
Instagram uchun post yozish	✓ shu yerda	—
200 betlik PDF'ni tushuntirish	—	✓ shu yerda
Rasm yoki banner chizish	✓ shu yerda	—
10 ta YouTube darsdan konspekt	—	✓ shu yerda
Hujjatdan podkast (audio) yasash	—	✓ shu yerda
Javob qaysi manbadan olinganini ko'rsatish	ba'zan	✓ har doim

Oltin qoida. Avval **Notebook**da o'z materialingizni tushunib oling → keyin **Geminida** undan post, skript yoki taklif yozdiring.

Nomi o'zgargan. 2026-yil iyulidan **NotebookLM** yangi nom oldi — **Gemini Notebook**. Bu bir xil dastur, eski bloknotlaringiz joyida turadi. Shuning uchun ba'zi joyda eski nom ham uchraydi.

— AKKAUNT

Google akkaunt ochish

Ikkala dastur ham Google akkaunt bilan ishlaydi. Sizda **Gmail** bo'lsa — akkaunt bor, 1-qismga o'ting. Yo'q bo'lsa — 5 qadam, ~4 daqiqa.

ACCOUNTS.GOOGLE.COM/SIGNUP

accounts.google.com/signup

Google akkauntini yarating

Ism va familiyangizni kiriting

Ism Familiya

Foydalanuvchi nomi @gmail.com

Parol Tasdiqlang

Keyingisi

- 1 Manzil qatoriga **accounts.google.com/signup** yozing va **Enter**.
 - 2 **Ism** va **Familiya** — lotin harflarida.
 - 3 Yangi pochta nomi. Band bo'lsa, oxiriga raqam qo'shing: **ali.karimov26**.
 - 4 **Parol**: kamida 8 belgi, harf + raqam. **Daftaringizga yozib qo'ying**.
 - 5 **Keyingisi** → tug'ilgan sana → telefon raqam → SMS kod → «Roziman».
- Tayyor. Endi **gemini.google.com** ga kirishingiz mumkin.

Telefon raqam so'raydi. O'zbekiston raqami ishlaydi: **+998** ni tanlab, raqamingizni kiriting. SMS kod 1–2 daqiqada keladi. Kelmasa — «Qayta yuborish» ni bosing.

Parolni unutmang. Uni telefon yoki daftarga yozib qo'ying. Parolsiz akkauntga kira olmaysiz va barcha bloknotlaringiz yopiq qoladi.

Menu qaysi tilda? Google menyuni sizning sozlamangizga qarab ko'rsatadi — o'zbekcha yoki ruscha. Shuning uchun bu qo'llanmada tugmalarning **ruscha nomi ham** qavs ichida yozib boriladi.

Maslahat. Ish uchun alohida akkaunt oching. Shunda shaxsiy pochtingiz bilan chatlaringiz va bloknotlaringiz aralashib ketmaydi.

1-QISM



Gemini

interfeysi


Bu qismda ekrandagi **hamma narsani** ko'rsatamiz: chap paneldagi har bir bo'lim, yozish maydonidagi har bir tugma, «+» ichidagi ro'yxat, modellar va sozlamalar.

[Bosh oyna](#)[Chap panel](#)[Yozish maydoni](#)[«+» tugmasi](#)[Flash / Pro](#)[Javob tugmalari](#)[Sozlamalar](#)[Birinchi savol](#)

— BOSH OYNA

Gemini ochilganda nima ko'rasiz

Oyna ikki qismdan iborat: **chapda ro'yxat** (panel), **o'ngda ish maydoni**. Har bir raqamga strelka qo'yildi.




- 1 **Panelni yopish/ochish.** Chap ro'yxatni yashiradi — ekran kengayadi.
- 2 **Yangi chat** (Новый чат). Yangi mavzu boshlaganda **doim** shuni bosing.
- 3 **Chatlardan qidirish** (Поиск по чатам). Eski suhbatni topadi.
- 4 **Video** (Видео). Matndan qisqa video yasaydigan bo'lim.
- 5 **Kutubxona** (Библиотека). Yaratgan rasm va videolaringiz.
- 6 **Bloknotlar** (Блокноты). Bu — **Notebook**, 2-qismda tushuntiramiz.
- 7 **Yaqinda** (Недавние). Eski suhbatlaringiz ro'yxati.
- 8 **Profil va Sozlamalar** (Настройки). Til, mavzu, maxfiylik.
- 9 **O'tish** (Перейти). Pullik tarifga o'tish taklifi. Bosish shart emas.
- 10 **Yangi oyna.** Chatni alohida oynada ochadi.
- 11 «+» — fayl va rasm yuklash. Keyingi sahifada.
- 12 **Flash** — model tanlash. Keyingi sahifada.
- 13 **Mikrofon.** Yozish o'rniga gapirib aytasiz.
- O'rtadagi yozuv («Yangi g'oyalar bormi?») har safar o'zgaradi — bu normal.

— YOZISH MAYDONI

Pastdagi qator — eng asosiy joy

Ish shu yerdan boshlanadi. Savolingizni shu qatorga yozasiz. Qator ichida 4 ta tugma bor.


YOZISH MAYDONI — YAQINDAN



- 1 «+» — fayl, rasm yuklash. Pastda ochib ko'rsatamiz.
- 2 Yozish joyi. Bosing va savolingizni yozing.
- 3 Flash ▾ — model tanlash (keyingi sahifa).
- 4 Mikrofon — gapirib aytish. Bosib, gapirasiz.

«+» tugmasini bosganda

«+» ICHIDAGI RO'YXAT




- 6 Avval «+» ni bosasiz — ro'yxat shundan keyin chiqadi.
- 1 Rasm yuklash. Screenshot, mahsulot surati, qo'lda yozilgan varaq.
- 2 Fayl yuklash. PDF, Word, Excel, matn, prezentatsiya.
- 3 Google Drive. Diskdagi hujjatni yuklamasdan ulaysiz.
- 4 Rasm yaratish. Matndan rasm chizdirish rejimi.
- 5 Chuqur izlanish (Deep Research). Internetdan uzun hisobot yozadi.

✦ **Eng oson yo'l.** Faylni sichqoncha bilan ushlab, chat oynasiga tashlang — «+» ni bosish ham shart emas. Keyin yoniga savolingizni yozasiz: «Bu faylda nima yozilgan? Qisqacha ayt.»

— MODELLAR

«Flash» va «Pro» — nima farqi bor

Gemini ichida bir nechta «miya» bor. **Flash** — tez, lekin oddiyroq. **Pro** — sekinroq, lekin ancha aqlli.



- 4 Yozish maydonining o'ng tomonidagi **model nomini** bosib — ro'yxat ochiladi.
- 1 **Flash** — bepul tarifda deyarli cheksiz. Ishlarning 90% uchun shu yetadi.
- 2 **Pro** — kuchliroq. Bepulda kuniga bir necha marta, keyin o'zi Flash'ga qaytadi.
- 3 **qulf belgisi** — bu model faqat pullik tarifda ishlaydi. Xafa bo'lmang, kerak emas.

Nima qilmoqchisiz	Model	Nega
Qisqa post, sarlavha, tarjima	Flash	Tez
Oddiy savolga javob	Flash	Tez
Uzun maqola, skript, strategiya	Pro	Chuqur o'ylaydi
Excel yoki PDF tahlili, raqamlar	Pro	Kam xato qiladi


Oddiy qoida. Avval **Flash** bilan sinang. Javob yuzaki chiqsa — modelni **Pro** ga o'zgartirib, javob ostidagi **Qayta yaratish** ni bosib.

Nomlarga e'tibor bermang. Google modellarni tez-tez yangilaydi va raqamlar o'zgaradi («3.0 Flash», «3.1 Pro»). Faqat shuni eslang: **Flash = tez**, **Pro = aqlli**.

— SOZLAMALAR

⚙️ Sozlamalar ichida nima bor

Chap panelning eng pastida, ismingiz yonida ⚙️ belgisi turadi. Uni bosong — quyidagi ro'yxat chiqadi.



- 1 **Til.** Menyu tilini o'zgartiradi (o'zbekcha / ruscha / inglizcha).
- 2 **Mavzu.** Qora yoki oq fon. Ko'zingizga qulayini tanlang.
- 3 **Ma'lumot va maxfiylik.** Chat tarixini saqlash yoki hammasini o'chirish.
- 4 **Ilovalar.** Gmail, Google Drive, YouTube bilan bog'lash.
- 5 **Tarif.** Hozirgi tarifingiz va pullik variantlar.
- O'zgartirgandan keyin **«Saqlash»** ni bosong.

Menyu tili va javob tili — bu ikki xil narsa. Menyu ruscha bo'lsa ham, Gemini o'zbekcha javob bera oladi. Buning uchun so'rovingizga qo'shib qo'ying: `Javobni o'zbek tilida yoz.`

«Ilovalar» nimaga kerak. Ulangandan keyin shunday deyish mumkin: «Google Drive'dagi **narxlar.xlsx** faylini och va xulosa yoz» yoki «Bu YouTube video nima haqida?» — havolani tashlaysiz, o'zi ko'rib beradi.

QOLGAN BO'LIMLAR

Video, Kutubxona va Rasm

Rasm yaratish

« + » → **Rasm yaratish**. Yoki shunchaki «...rasmini chiz» deb yozing. Rasm chizilgach, chatda oddiy gap bilan tuzatasiz: «fonini oq qil», «yorug'roq qil».

Rasm uchun 5 ta savolga javob bering

Qism	Savol	Misol
NIMA	Asosiy narsa nima?	kuz gullari solingan quti
QAYERDA	Fon qanday?	issiq bej rangli stol ustida
USLUB	Foto? Rasm? 3D?	professional mahsulot fotosurati
YORUG'LIK	Qanday yorug'lik?	yumshoq tabiiy yorug'lik
FORMAT	Qanday o'lchamda?	vertikal 9:16, tepada bo'sh joy

Rasmga o'zbekcha matn yozdirmang. AI harflarni aralashtirib yuboradi. To'g'ri yo'l: rasmni **matnsiz** chizdiring va «matn uchun bo'sh joy qoldir» deb yozing. Yozuvni keyin Canva'da o'zingiz qo'ying.

Video

Chap paneldagi «**Video**» bo'limi matndan qisqa video yasaydi (6–8 soniya, ovoz bilan). Sahnani tasvirlab bering: **kim/nima + nima qilyapti + kamera qanday harakat qiladi + yorug'lik**. Bepul tarifda bu funksiya juda cheklangan yoki umuman ochilmasligi mumkin — bu xato emas.

Kutubxona (Библиотека)

Siz yaratgan **barcha rasm va videolar** shu yerda to'planadi. Ustiga bosib yuklab olasiz. Bir marta yasaganingizni qayta topish uchun eski chatlarni titkilash shart emas.

Kuniga nechta rasm?

Bepul tarifda taxminan **10–20 ta**. Limit tugasa, ertasiga o'zi tiklanadi.

Rasmni sotsam bo'ladimi?

Ha, tijoratda ishlatish mumkin. Lekin logotip qilib ro'yxatdan o'tkazish muammoli.

— AMALIYOT

Birinchi savolingizni qanday yozish kerak

Al aqlsiz emas — u shunchaki **sizni tushunmaydi**, agar aniq aytmasangiz. Quyidagi 5 ta savolga javob bering — natija bir necha barobar yaxshi bo'ladi.

1 · KIM bo'lib yozsin?
«Sen tajribali SMM-menejersan»

2 · NIMA qilsin?
«10 ta post sarlavhasini yoz»

3 · KIM UCHUN?
«Toshkentdagi gul do'koni, mijozlar 25–40 yosh ayollar»

4 · QANDAY KO'RINISHDA?
«Ro'yxat qilib, har biri 6 so'zdan oshmasin»

5 · QAYSI TILDA va QANDAY OHANGDA?
«O'zbek tilida, iliq va sodda ohangda, "siz" bilan murojaat qilib»

Hammasi birga — mana shunday bo'ladi

Sen tajribali SMM-menejersan. Toshkentdagi gul do'koni uchun 10 ta Instagram post sarlavhasini yoz. Mijozlar: 25-40 yosh ayollar, sovg'a izlaydi. Ro'yxat qilib ber, har biri 6 so'zdan oshmasin. O'zbek tilida, iliq va sodda ohangda yoz.

5 ta tayyor so'rov — ko'chiring va ishlating

Maqsad	So'rov
Kontent reja	«[biznesim] uchun 2 haftalik Instagram reja tuz. Har kunga: format, mavzu, sarlavha. Jadval qilib ber.»
Mijoz e'tirozi	«Mijoz "qimmat" deyapti. 5 ta muloyim javob variantini yoz. Bosim o'tkazma.»
Fayl tahlili	(faylni yuklab) «Bu hisobotdan 5 ta muhim xulosa chiqar va 3 ta tavsiya ber.»
Tarjima	«Bu matnni o'zbek tiliga tarjima qil. So'zma-so'z emas — tabiiy qilib.»
Tushuntirish	«[murakkab mavzu] ni 12 yoshli bolaga tushuntirgandek ayt. Misol keltir.»

Yodda tuting. Yangi mavzu boshlaganda **«Yangi chat»** ni bosing. Aks holda Gemini oldingi mavzuni eslab, javoblarni aralashtirib yuboradi.

2-QISM



Gemini Notebook

interfeysi

Faqat **sizning fayllaringiz** bo'yicha ishlaydigan dastur. Bu qismda: saytga kirish, bosh sahifa, uchta panel va Studiyaning barcha kartalari — bittalab.

[Saytga kirish](#)[Bosh sahifa](#)[Manbalar paneli](#)[Chat paneli](#)[Studiya paneli](#)[9 ta karta](#)[Yuqoridagi tugmalar](#)[Birinchi ish](#)

— KIRISH

Saytga qanday kiriladi

Manzil qatoriga **notebooklm.google** deb yozing va **Enter** bosing. Quyidagi oq sahifa ochiladi — bu tanishtiruv sahifasi.




1 **Umumiy** (Обзор) — dastur haqida tanishtiruv.

2 **Tarif rejaları** (Тарифные планы) — bepul va pullik variantlar.

3 **Ilovani yuklab olish** — telefon uchun dastur.

4 **Qora tugmani bosing** — ish oynasi shundan keyin ochiladi.

Ikkinchi yo'l — Gemini ichidan




Ikkinchi ham bitta joy. Qaysi yo'l bilan kirsangiz ham, bloknotlaringiz bir xil bo'ladi. Ish uchun **notebooklm.google** qulayroq — oyna kattaroq va hamma panel ko'rinadi.

Birinchi kirishda Google akkauntingizni tanlashni so'raydi va qisqa shartnoma matni chiqadi. Akkauntni bosing → pastdagi **«Roziman»** tugmasini bosing. Bu bir marta bo'ladi.

— BOSH SAHIFA

Bloknotlar ro'yxati

Kirgandan keyin birinchi shu sahifa chiqadi. Bu — **barcha bloknotlaringiz turadigan joy**.




- 1 **Barchasi** (Все) — hamma bloknotlar birga.
- 2 **Mening bloknotlarim** — faqat siz yaratganlari.
- 3 **Ko'rinish**. Katak yoki ro'yxat shaklida ko'rsatadi.
- 4 **Saralash** (Последние) — sana yoki nom bo'yicha tartiblash.
- 5 **+ Yaratish** (Создать) — **yangi bloknot**. Eng kerakli tugma.
- 6 **Sozlamalar**. Javob tili shu yerdan o'zgartiriladi.
- 7 **Tavsiya etilgan**. Google tayyorlagan namuna bloknotlar — ko'rib o'rganish uchun.
- 8 **Yaqinda ochilgan**. Sizning bloknotlaringiz shu yerda.
- 9 **Bloknot yaratish** — yana bir yaratish tugmasi.
- 10 **: belgisi**. Nomini o'zgartirish yoki o'chirish.

— BLOKNOT ICHI

Uchta panel — asosiy ish oynasi

Bloknotni ochsangiz, oyna doim **3 ustunga** bo'lingan bo'ladi. Shuni tushunsangiz — hammasi oson.




- 1 **Bloknot nomi.** Ustiga bosib o'zgartirasiz.
- 2 **+ Bloknot yaratish** — yana bittasini ochadi.
- 3 **Nusxalash** (Копировать) — shu bloknotning nusxasini yasaydi.
- 4 **Tahlil** (Аналитика) — bloknot bo'yicha statistika.
- 5 **Ulashish** (Поделиться) — boshqa odamga havola berish.
- 6 **Sozlamalar** — javob tili shu yerda.
- 7 **1-panel: Manbalar.** Fayllaringiz shu yerda turadi.
- 8 **2-panel: Chat.** Savol berasiz, javob olasiz.
- 9 **Boshlash tugmalari.** Nimadan boshlashni bilmasangiz — bosing.
- 10 **Savol maydoni.** Yonida «0 manba» yozuvi bor — hozir fayl yo'q degani.
- 11 **3-panel: Studiya.** Podkast, test, xarita yasaydigan joy.
- 12 **Eslatma qo'shish.** O'z fikringizni yozib qo'yish.

✦ **Chat panelidagi ko'k raqamlar.** Javob ichida kichik ko'k raqamlar chiqadi — bu **manba raqami**. Ustiga bossangiz, o'ngda asl matn ochiladi va kerakli joy sariq bilan belgilanadi. Aynan shuning uchun Notebook javobiga ishonsa bo'ladi: har bir gapni tekshirasiz.

— 1-PANEL


Manbalar — chapdagi ustun

Bu — bloknotning **kutubxonasi**. Notebook faqat shu yerdagi fayllarni o'qiydi. Fayl yo'q bo'lsa — javob ham bo'lmaydi.



- 1 **Fayl.** PDF, Word, matn, prezentatsiya, audio. Sudrab tashlash ham mumkin.
 - 2 **Google Drive.** Docs, Slides, Sheets fayllarini to'g'ridan-to'g'ri ulaysiz.
 - 3 **Sayt havolasi.** Maqola manzilini qo'yasiz — matnini o'zi oladi.
 - 4 **YouTube.** Video havolasi. **Subtitri bo'lishi shart.**
 - 5 **Matn ko'chirish.** Eng ishonchli usul — istalgan matnni tashlaysiz.
- Bir vaqtda **bir nechta** fayl yuklash mumkin.

Manbalar qo'shilgandan keyin panel shunday ko'rinadi



- 1 Yangi fayl qo'shish tugmasi — doim shu yerda turadi.
- 2 **Barchasini tanlash** — hamma fayllarni birdan yoqadi/o'chiradi.
- 3 **Har bir fayl yonidagi ✓ katakcha.** Faqat **belgilangan** fayllar javobda ishlatiladi. Fayl nomiga bossangiz — asl matni ochiladi.


Nima ishlamaydi: skanerlangan PDF (rasm ko'rinishidagi, matni yo'q) · parol bilan yopilgan fayl · login talab qiladigan sayt · subtitri yo'q YouTube video.

Yechimi: matnni **Ctrl + C** bilan ko'chirib, **«Matn ko'chirish»** orqali qo'ying.

3-PANEL

Studiya — 9 ta karta

O'ngdagi ustun. Bu yerda fayllaringizdan **tayyor mahsulot** yasaladi: podkast, taqdimot, test, xarita. Har bir kartani **bir marta bosasiz** — qolganini o'zi qiladi.



Karta	Nima chiqadi va qachon kerak
1 Audio hikoya Аудиопересказ	Ikki boshlovchi materialingizni podkast qilib muhokama qiladi. Yo'lda ketayotib tinglash uchun.
2 Taqdimot Презентация	Tayyor slaydlar . Dars o'tish yoki uchrashuvga tez tayyorgarlik uchun.
3 Video hikoya Видеопересказ	Slayd + ovoz — qisqa video dars . Ko'rib o'rganadiganlar uchun.
4 Fikr xaritasi Ментальная карта	Mavzu shoxlarga bo'linadi. Katta mavzuning tuzilishini tez tushunish uchun.
5 Hisobotlar Отчеты	Yozma konspekt yoki o'quv qo'llanma. Rahbarga berish uchun.
6 Kartochkalar Карточки	Old tomonda savol, orqada javob. Yodlash uchun.
7 Test Тест	Variantli savollar. O'zingizni tekshirish uchun.
8 Infografika Инфографика	Bir sahifalik rasmli xulosa . Ijtimoiy tarmoqqa qo'yish uchun.
9 Ma'lumot jadvali Таблица данных	Manbalardagi raqam va faktlarni jadvalga yig'adi.
10 Eslatma qo'shish	O'z fikringizni yozib qo'yasiz. Keyin uni manbaga aylantirish ham mumkin.

BETA belgisi — bu funksiya hali sinovda. Ishlaydi, lekin ba'zan xato qilishi mumkin.

— NATIJALAR

Kartani bosgandan keyin nima chiqadi

Quyida har bir kartaning **natijasi qanday ko'rinishi** chizib berilgan. Shunda qaysi biri kerakligini darrov tushunasiz.

Audio hikoya

Kurs materiallari — suhbat

14:32 · o'zbek tilida

▶ 1.5×

⬇ yuklab olish

Ikki kishi sizning materialingizni muhokama qiladi. **4 xil format** bor: Chuqur suhbat · Qisqacha · Tanqid · Bahs.

Fikr xaritasi

Reels strategiya

↳ Hook (3 soniya)

↳ Ushlab turish

↳ Chaqiruv

Mavzu shoxlarga bo'linadi. Shox ustiga bossangiz — ichi ochiladi.

Kartochkalar

OLD TOMON

Hook nima?

ORQA TOMON

Videoning birinchi 3 soniyasi

Bosib aylantirasiz. Imtihan oldidan yodlash uchun ideal.

? Test

Reels'da eng muhim qism qaysi?

☐ Videoning oxiri

☒ Birinchi 3 soniya

☐ Musiqa tanlash

Xato qilsangiz — nega xato ekanini tushuntiradi.

Hisobot

1. Asosiy g'oyalar

2. Amaliy qadamlar

Yozma konspekt. Google Docs'ga chiqarish mumkin.

Infografika va Taqdimot



Rasmi xulosa yoki tayyor slaydlar. Ikkalasi ham yuklab olinadi.


✦ **Yasashdan oldin fayllarni saralang.** Chap paneldagi ✓ **katakchalar** bilan faqat keraklisini belgilang. 50 ta fayldan yasalgan test tarqoq chiqadi, 5 ta keraklisidan yasalgani esa aniq bo'ladi.

Qancha kutish kerak? Kartochka, test, xarita — **1–2 daqiqa**. Audio va video hikoya — **3–10 daqiqa**. Oynani yopsangiz ham ish davom etadi.

— SOZLASH

Javob tilini o'zbekchaga qo'yish

Bu — eng ko'p so'raladigan savol. Bir marta sozlaysiz — keyin barcha javoblar, konspektlar va **hatto podkast ham** o'zbekcha bo'ladi.




1 O'ng yuqoridagi ⚙️ **Sozlamalar** → **Chiqish tili** (Язык вывода).

2 **O'zbek** ni tanlang.

3 **Saqlash**. Tayyor — endi hamma narsa o'zbekcha chiqadi.

— Bir martalik yo'l: savol oxiriga **Javobni o'zbek tilida yoz** deb qo'shing.

➤ Ulashish — boshqa odamga berish



📌 Eslatmalar

Chatdagi javoblar vaqtinchalik. Yoqqanini **«Eslatmaga saqlash»** bilan saqlang — u Studiya panelida qoladi. Xohlasangiz, eslatmani **manbaga aylantirish** ham mumkin (: → «Manbaga aylantirish»).

📄 Nusxalash va 📈 Tahlil

Nusxalash — shu bloknotning aynan nusxasini yasaydi (o'zgartirib ko'rish uchun).

Tahlil — bloknot bo'yicha statistika: nechta manba, qancha ishlatilgan.

Ulashishdan oldin tekshiring. Havola bergan odam **barcha fayllaringizni** ko'radi. Ichida shaxsiy hujjat, mijoz bazasi yoki shartnoma bo'lsa — ularni oldin o'chiring yoki alohida bloknot yarating.

— OXIRGI SAHIFA

Endi nima qilish kerak

Qo'llanmani o'qib chiqdingiz. Endi eng muhimi — **qo'lda sinab ko'rish**. Faqat o'qilgan narsa bir haftada unutiladi, bajarilgani esa qoladi.

✦ Gemini

Internetdan biladi va **yaratadi**: matn, rasm, g'oya, tahlil.
gemini.google.com

🌀 Gemini Notebook

Faqat **sizning fayllaringizdan** gapiradi va manbani ko'rsatadi.
notebooklm.google

Birinchi hafta — shu tartibda boring

1 1-2-kun

Gemini'da har kuni **3 ta savol** bering.
Fayl yuklab ko'ring. Flash va Pro'ni almashtirib, farqini seting.



2 3-5-kun

Bitta **bloknot** oching, 3 ta manba yuklang. Savol berib, ko'k raqamni bosib tekshiring.



3 6-7-kun

Studiyadan **Fikr xaritasi** va **Audio hikoya** yasang. Yoqqanini do'stingizga ulashing.

Eng katta xato — hammasini bir kunda o'rganishga urinish. Kuniga 15 daqiqa yetadi. Bir oydan keyin bu ish sizga oddiy tuyuladi, va siz bir kunlik ishni bir soatda bajara boshlaysiz.

✦ **Qo'llanmani yoningizda saqlang.** Biror tugmani unutsangiz — shu faylni ochib, kerakli sahifadagi rasmga qarang. Hammasi strelka bilan belgilangan.

Eslab qolish kerak bo'lgan 4 ta narsa

«Yangi chat»

Yangi mavzu boshlaganda doim bosing

«+» tugmasi

Fayl va rasm shu yerdan yuklanadi

«🔍» belgisi

Javob yoqmasa — boshqa variant beradi

Ko'k raqam

Javob qaysi fayldan olinganini ko'rsatadi

Omad tilaymiz!

Sun'iy intellekt sizning o'rningizga ishlamaydi — u **siz bilan birga** ishlaydi.
Qanchalik ko'p mashq qilsangiz, natija shuncha yaxshi bo'ladi.



AI STRATEG

Sun'iy intellekt kursi · 2026